

Broj: 01-01.3-5077-40/17 AZ

Datum: 12.02.2018. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), te člana 15. Pravilnika o javnim nabavkama i preporuke Komisije za javne nabavke konstatirane u Zapisniku o pregledu i ocjeni ponuda broj 01-01.3-5077-31/17 AZ od 22.01.2018. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

## ODLUKU o izboru najpovoljnijeg ponuđača u otvorenom postupku

I

Ugovor za nabavku usluga: „Kratkoročno kreditno zaduženje kod komercijalnih banaka u iznosu od 30.000.000,00“ - LOT 7: Kratkoročno kreditno zaduženje kod komercijalnih banaka 2.000.000,00 KM u ukupnoj vrijednosti od 35.767,76 KM dodjeljuje se ponuđaču UniCredit Bank d.d. Mostar koji je dostavio prihvatljivu ponudu sa najnižom cijenom.

II

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba) i to istovremeno s upućivanjem Odluke ponuđaču koji je učestvovao u postupku nabavke.

## O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 25. Zakona o javnim nabavkama pokrenulo otvoreni postupak broj 01-01.3-5077/17 AZ za nabavku usluga: „Kratkoročno kreditno zaduženje kod komercijalnih banaka u iznosu 30.000.000,00“ - LOT 7: Kratkoročno kreditno zaduženje kod komercijalnih banaka 2.000.000,00 KM. Na Portalu javnih nabavki objavljeno je Obavještenje o nabavci broj: 266-1-2-474-8-183/17 dana 20.12.2017. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 17.01.2018. godine u 10:30 sati u prostorijama JP „Autoceste Federacije Bosne i Hercegovine“ d.o.o. Mostar, Operativni ured Sarajevo, Hamdije Kreševljakovića 19, Sarajevo, što je konstatirano u Zapisniku o otvaranju ponuda. Komisija je na javnom otvaranju ponuda konstatirala da su ponudu predala 2 (dva) ponuđača.

Komisija je prema članu 65. Zakona pristupila pregledu i ocjeni ponude, što je evidentirano u Zapisniku o pregledu i ocjeni ponuda, koji je sastavni dio ove Odluke.

S obzirom da je ponuđena cijena prihvatljive ponude veća od procijenjene vrijednosti predmetne nabavke, Komisija je u Zapisniku o pregledu i ocjeni ponuda dala 2 (dva) prijedloga direktoru JP



Autoceste FBiH d.o.o. Mostar, koji je dao saglasnost za prijedlog 1 (jedan), odnosno za odobravanje dodatnih sredstava za predmetnu nabavku.

Uprava preduzeća je donijela Odluku o odobravanju dodatnih sredstava za otvoreni postupak javne nabavke „Kratkoročno kreditno zaduženje kod komercijalnih banaka u iznosu 30.000.000,00“ - LOT 7: Kratkoročno kreditno zaduženje kod komercijalnih banaka 2.000.000,00 KM, te se ugovor za nabavku usluga „Kratkoročno kreditno zaduženje kod komercijalnih banaka u iznosu 30.000.000,00“ - LOT 7: Kratkoročno kreditno zaduženje kod komercijalnih banaka 2.000.000,00 KM u ukupnoj vrijednosti od 35.767,76 KM dodjeljuje ponuđaču UniCredit Bank d.d. Mostar, koji je dostavio prihvatljivu ponudu.

Shodno naprijed navedenom, odlučeno je kao u dispozitivu ove Odluke.

### **Pouka o pravnom lijeku:**

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**izvršni direktor  
za ekonomsko-finansijske poslove**

.....  
**Ivica Ćurić, MBA**

**direktor**

.....  
**Adnan Terzić, dipl.ing**



AB

Broj: 01-01.3-5077-31/17 AZ  
Datum: 22.01.2018. godine

U skladu sa članom 65. Zakona o javnim nabavkama („Službeni glasnik BiH“ broj 39/14), članom 18. Uputstva za pripremu modela tenderske dokumentacije i ponuda („Službeni glasnik BiH“ broj 90/14) i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

## ZAPISNIK O PREGLEDU I OCJENI PONUDA u otvorenom postupku

- Naziv i sjedište ugovornog organa:** JP „Autoceste FBiH“ d.o.o. Mostar;
- Predmet nabavke:** Nabavka usluga: „Kreditno zaduženje kod komercijalnih banaka u iznosu od 30.000.000,00 KM“ - LOT 7: Kreditno zaduženje kod komercijalnih banaka 2.000.000,00 KM;
- Evidencijski broj nabavke:** 01-01.3-5077-1/17 AZ;
- Vrsta postupka javne nabavke:** Otvoreni postupak;
- Procijenjena vrijednost nabavke:** 26.634,73 KM;
- Broj obavještenja o nabavci sa Portala javnih nabavki:** Obavještenje o nabavci broj: 266-1-2-474-8-183/17 objavljeno dana 20.12.2017. godine; Ispravka za obavještenja o nabavci broj: 266-1-2-474-8-183/17 objavljeno dana 27.12.2017. godine; Ispravka za obavještenja o nabavci broj: 266-1-2-474-8-11/18 objavljeno dana 12.01.2018. godine
- Datum početka pregleda i ocjene ponuda:** Komisija je počela da pregleda ponude 17.01.2018. godine;
- Naziv i sjedište svih ponuđača, prema redoslijedu zaprimanja ponuda:**
  - UniCredit Bank d.d. Mostar sa ukupnom ponuđenom cijenom u iznosu od 35.767,76 KM
  - Privredna banka d.d. Sarajevo sa ukupnom ponuđenom cijenom u iznosu od 25.732,81 KM
- Podaci o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata;
- Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nije bilo ispravki;
- Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**

Ponuđač Privredna banka d.d. Sarajevo je dana 18.01.2018. godine dostavila Obavijest o odustanku od ponuda broj: 03-06-1-344/18, zaprimljen kod ugovornog organa istog dana pod brojem 01-01.3-5077-24/17, u kojoj navodi da odustaju od ponuda za LOT 6, LOT 7, LOT 8 i LOT 9 predmetne nabavke jer su se pojavili tehnički razlozi zbog kojih ne mogu postupiti po ponudama.

S obzirom da Ugovorni organ, u skladu sa članom 61. stav (2) Zakona o javnim nabavkama, nije zahtijevao garanciju za ozbiljnost ponude, te nije u mogućnosti postupiti po istoj u slučaju



UB

da ponuđač odustane od svoje ponude u roku važanja ponude, Komisija za javne nabavke, na osnovu zaprimljene Obavijesti, a koja je sastavni dio ovog Zapisnika, nije uzela ponudu ponuđača Privredna banka d.d. Sarajevo u dalje razmatranje, odnosno ista nije predmet pregleda i ocjena ponuda ovog Zapisnika.

RB	ANALIZA, PREGLED I OCJENA PONUDA	NAZIV PONUĐAČA
	LOT 7: Kratkoročno kreditno zaduženje kod komercijalnih banaka 2.000.000,00 KM	UniCredit Bank d.d. Mostar
a)	Kvalifikacioni uvjeti:	
1.	<p><b>Lična sposobnost - kvalifikacija prema članu 45. ZJN:</b></p> <p><b>UVJET:</b> U skladu sa članom 45. Zakona, ponuda će biti odbijena ako je ponuđač:</p> <ul style="list-style-type: none"> <li>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</li> <li>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</li> <li>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</li> <li>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</li> </ul> <p><b>DOKAZ:</b> U svrhu ispunjavanja uslova iz prethodne tačke ponuđači trebaju dostaviti <b>Izjavu ovjerenu kod nadležnog organa (organ uprave ili notar)</b> da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije;</p>	+
2.	<p><b>Sposobnost obavljanja profesionalne djelatnosti:</b></p> <p><b>UVJET:</b> Što se tiče sposobnosti za obavljanje profesionalne djelatnosti ponuđači moraju biti registrovani za obavljanje djelatnosti koja je predmet javne nabavke.</p>	



	<p><b>DOKAZ:</b> U svrhu dokazivanja profesionalne sposobnosti ponuđači trebaju uz ponudu dostaviti:</p> <ul style="list-style-type: none"> <li>➤ dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.</li> <li>➤ Dozvola (ovlaštenje) za rad izdata od strane Agencije za bankarstvo (za ponuđače koji su registrovani u Bosni i Hercegovini), ili ekvivalentan dokument nadležnog organa (tijela) iz zemlje u kojoj je registrovan ponuđač, kojim se dokazuje njihovo pravo da obavljaju profesionalnu djelatnost, koja je u vezi sa predmetom nabavke. <b>Dokazi koji se dostavljaju moraju biti originali ili ovjerene kopije.</b></li> </ul>	<p style="text-align: center;">+</p> <p style="text-align: center;">+</p>
<b>b)</b>	<b>Ispunjenost uvjeta u pogledu dostavljanja svih potrebnih dokumenata prema sadržaju ponude:</b>	
1.	Popunjen obrazac za ponudu koji je dat u Aneksu 2 tenderske dokumentacije	+
2.	Popunjen obrazac za cijenu ponude koji je dat u aneksu 3 tenderske dokumentacije	+
3.	Popunjen obrazac povjerljivih informacija koji je dat u aneksu 4 tenderske dokumentacije (ponuđači su dužni dostaviti ispunjen ovaj obraz ukoliko imaju povjerljivih informacija)	+
4.	Ponuđač je obavezan dostaviti prijedlog ugovora u skladu sa svim bitnim uslovima iz tenderske dokumentacije	+
5.	Izjava o zajedničkoj ponudi te Izjava o solidarnoj odgovornosti članova grupe ponuđača u skladu sa tačkom 7.5 tenderske dokumentacije (ukoliko ponudu dostavlja grupa ponuđača)	<b>nije primjenjivo</b>
6.	Izjava o ispunjavanju uslova iz člana 45. Zakona koja je data u aneksu 5 tenderske dokumentacije	+
7.	Dokaz o registraciji u odgovarajućem profesionalnom ili drugom registru u zemlji u kojoj je registrovan ponuđač ili da obezbjedi posebnu izjavu ili potvrdu nadležnog organa kojom se dokazuje njegovo pravo da obavlja profesionalnu djelatnost, koja je u vezi sa predmetom nabavke	+
8.	Dozvola (ovlaštenje) za rad izdata od strane Agencije za bankarstvo (za ponuđače koji su registrovani u Bosni i Hercegovini), ili ekvivalentan dokument nadležnog organa (tijela) iz zemlje u kojoj je registrovan ponuđač, kojim se dokazuje njihovo pravo da obavljaju profesionalnu djelatnost, koja je u vezi sa predmetom nabavke	+
9.	Izjava o ispunjavanju uslova iz člana 52. Zakona koja je data u aneksu 6 tenderske dokumentacije	+
10.	Izjava o namjeri podugovaranja (ukoliko ponuđač ima namjeru podgovoriti dio ugovora) data u okviru aneksa 2 tenderske dokumentacije	+



11	Dokumenti kojima se dokazuje ispunjavanje uslova za primjenu preferencijalnog tretmana domaćeg odnosno Izjava data u okviru aneksa 2 tenderske dokumentacije	+
12	Popis dokumentacije koja je priložena uz ponudu	+
<b>c) Prikaz prihvatljivosti ponuda prema obliku sadržaju i potpunosti</b>		
1.	Cjelovitost ponude	+
2.	Uvezana u cjelinu /knjiga, obezbjeđena jemstvenikom/	+
3.	Ponuda napisana neizbrisivom tintom	+
4.	Pravilno numerisana ponuda	+
5.	Ponuda napisana na jednom od službenih jezika u BiH	+
6.	Ispravke u ponudi	+
7.	Računske greške	+
8.	Izmjene/dopune ponude i odustajanje od ponude	+
9.	Ponuda potpisana od strane ovlaštene osobe	+
10	Dostavljena kopija ponude	+
	Prihvatljivost ponude - da/ne	<b>da</b>

**Napomena:** (+) u skladu sa tenderskom dokumentacijom **zadovoljava**; (-) u skladu sa tenderskom dokumentacijom **ne zadovoljava**

12. **Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:** Nema ponuđača koji se isključuju zbog neispunjavanja uvjeta za kvalifikaciju
13. **Prikaz traženih i dostavljenih garancija za ozbiljnost ponude:** Ugovorni organ nije zahtijevao bankarsku garanciju za ozbiljnost ponude;
14. **Podaci o pojašnjenju ponuda:** Nije primjenjivo;
15. **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprmljena ponuda uredno zapakovana;
16. **Analitički prikaz traženih i dostavljenih dokaza profesionalne i tehničke sposobnosti ponuđača:** Pogledati stavku 11. ovog Zapisnika;
17. **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Pogledati stavku 11. ovog Zapisnika;
18. **Podaci o ispravkama računskih grešaka u ponudama ako ih je bilo:** U zaprimljenoj ponudi nije bilo računskih grešaka;
19. **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nema ponuđača čije ponude se odbijaju;
20. **Razlozi za odbijanje ponude zbog neprirodno niske cijene:** Nije primjenjivo;
21. **Analiza prihvatljivih ponuda prema kriteriju za izbor ponude:** Kriterij za dodjelu ugovora je „najniža cijena“.



Ponuda ponuđača UniCredit bank d.d. Mostar, ispunjava sve kvalifikacione uvjete iz tenderske dokumentacije, sa ukupnom ponuđenom cijenom u iznosu od 35.767,76 KM

Ponuda ponuđača UniCredit bank d.d. Mostar je prihvatljiva ponuda i ispunjava sve kvalifikacione, kao i ostale uvjete propisane tenderskom dokumentacijom, te su dostavljeni svi dokazi propisani tenderskom dokumentacijom, na propisan način.

Ponuđena cijena UniCredit bank d.d. Mostar iznosi 35.767,76 KM, dok je procijenjena vrijednost nabavke 26.634,73 KM. Dakle ponuđena cijena je za 9.133,03 KM veća od procijenjene vrijednosti nabavke

## 22. Rangiranje prihvatljivih ponuda prema kriteriju za izbor ponude:

Naziv ponuđača	Cijena ponude (KM)	Popust	Ukupna cijena (KM)
1. UniCredit bank d.d. Mostar	35.767,76	-	35.767,76

23. Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor: Vidjeti tačku 26. ovog Zapisnika.

24. Podaci o dijelu ugovora koji se daje u podugovor i podatke o podizvođaču: Nije primjenjivo;

25. Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci: Ponuđač je uz ponudu dostavio dokumente kojim dokazuje ispunjavanje uslova iz lične sposobnosti na osnovu člana 45. Zakona o javnim nabavkama, te iste nije obavezan dostavljati ponovo, nakon prijema Odluke o izboru najpovoljnijeg ponuđača, u slučaju da se ista donese (vidjeti tačku 26.);

26. **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Obje zaprimljene ponude su prihvatljive, ali prelaze procijenjenu vrijednost nabavke. U skladu sa mišljenjem Agencije za javne nabavke Bosne i Hercegovine, akt broj: 02-02-1-4544-2/17 od 20.11.2017. godine, koji je sastavni dio ovog Zapisnika, u kojem se navodi da su ugovornom organu na raspolaganju dvije opcije i to: dodjela ugovora, ukoliko postoji mogućnost preraspodjele budžeta, odnosno obezbjeđenja dodatnih sredstava za predmetnu nabavku ili poništenje postupka javne nabavke, Komisija za javne nabavke, daje prijedlog direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese slijedeću odluku:

### 1. Prijedlog:

Da ugovorni organ obezbjedi dodatna sredstva za predmetnu nabavku u iznosu od 9.133,03 KM, te ugovor za nabavku usluga „Kreditno zaduženje kod komercijalnih banaka u iznosu od 30.000.000,00 KM“ - LOT 7: Kreditno zaduženje kod komercijalnih banaka 2.000.000,00 KM dodjeli ponuđaču UniCredit bank d.d. Mostar u ukupnoj vrijednosti od 35.767,76 KM, koji je dostavio prihvatljivu ponudu sa najnižom cijenom.

ili



## 2. Prijedlog:

Da se postupak poništi u skladu sa članom 69. stav (2) tačka e) Zakona o javnim nabavkama, jer su cijene svih prihvatljivih ponuda znatno veće od procijenjene vrijednosti nabavke, odnosno od osiguranih sredstava za predmetnu nabavku.

**27. Datum završetka postupka pregleda i ocjene ponuda:** Komisija je završila pregled i ocjenu ponuda dana 22.01.2018. godine;

**28. Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:**

Članovi komisije:

Aida Zeba, predsjednik komisije

Melika Alajbegović, član komisije

Ljubica Sorak, član komisije

Za sekretara Komisije imenovana je Adila Salčinović;

**29. Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):**

- Mišljenje Agencije za javne nabavke BiH broj: 02-02-1-4544-2/17 od 20.11.2017. godine
- Dopis Privredne Banke d.d. Sarajevo br. 03-06-1-344/18 od 18.01.2018.

Saglasan sa prijedlogom broj: 1.

Adnan Terzić, dipl.ing., direktor








BOSNA I HERCEGOVINA  
AGENCIJA ZA JAVNE NABAVKE/NABAVE

БОСНА И ХЕРЦЕГОВИНА  
АГЕНЦИЈА ЗА ЈАВНЕ НАБАВКЕ

BOSNIA AND HERZEGOVINA  
PUBLIC PROCUREMENT AGENCY

Broj: 02-02-1-4544-2/17  
Sarajevo: 20.11.2017.godine

**JP AUTOCESTE FEDERACIJE BIH d.o.o. Mostar**  
Dubrovačka 6  
71000 Sarajevo  
Faks: 277 942



**Predmet:** Upit o primjeni Zakona o javnim nabavkama  
**Veza:** e-mail gđica. M. Alajbegović od 16.11.2017. godine

Poštovani,

Na osnovu člana 92. stav (3) tačka d) Zakona o javnim nabavkama ("Službeni glasnik BiH", broj 39/14), Agencija za javne nabavke Bosne i Hercegovine, u cilju osiguranja pravilnog provođenja zakona, pruža tehničku pomoć i savjetodavna mišljenja ugovornim organima i ponuđačima u vezi s pravilnom primjenom ovog zakona i podzakonskih akata, kao i na osnovu detalja iz Vašeg upita, daje slijedeći odgovor:

Članom 69. stav (2) tačka e) Zakona o javnim nabavkama (u daljem tekstu: Zakon) propisano je da je ugovorni organ obavezan poništiti postupak javne nabavke u slučaju da su cijene svih prihvatljivih ponuda znatno veće od osiguranih sredstava za predmetnu nabavku.

Dakle, ako se ugovorni organ nađe u situaciji da su cijene svih primljenih prihvatljivih ponuda znatno veće od budžeta ugovornog organa, odnosno od sredstava osiguranih za predmetnu nabavku, u pravilu je obavezan poništiti postupak nabavke. Poništenje postupka zbog ovog razloga će normalno značiti da će ugovornom organu biti potrebno da ponovo razmotri sve uslove vezane za nabavku i da na takvoj novoj osnovi ponovo pokrene postupak dodjele ugovora.

Međutim, ovde se postavlja pitanje šta znači „znatno veće cijene“? Naime, to je vrlo relativan pojam, a u postupku javne nabavke odgovor zavisi od niza faktora: veličine ugovornog organa, budžeta ugovornog organa, priliva sredstava, značaja konkretne nabavke, mogućnost prestrukturiranja sredstava itd. U nekim slučajevima, kad ugovorni organ nema finansijska sredstva, i 500,00 KM može biti znatno veće jer ugovorni organ jednostavno nema dodatna sredstva, dok u nekim slučajevima ni 50.000,00 KM ne predstavlja značajna sredstva za ugovorni organ.

U svakom slučaju, nije isključena mogućnost da rješenje bude ponovno razmatranje raspodjele budžeta, bez obzira na to koliko su cijene veće. Ugovorni organ može prilagoditi svoj budžet i raspodijeliti dodatna sredstva za finansiranje ugovora, odnosno okvirnog sporazuma. Dakle, u situaciji kada cijena najniže ponude prekoračuje budžet, postoje dva jednako raspoloživa izbora: da se poveća budžet i dodijeli ugovor odnosno okvirni sporazum ili, ukoliko je to nemoguće, postupak se obavezno poništava.

Ovdje napominjemo da prilikom planiranja i donošenja budžeta postoji određeni vremenski razmak u toku kojeg se mogu desiti promjene na tržištu, tako da vrijednost koja je planirana za predmetnu nabavku je znatno povećana do momenta kada ugovorni organ pokreće postupak javne nabavke. Stoga je bitno da ugovorni organ ispita tržište za predmetnu nabavku neposredno prije pokretanja postupka javne nabavke, kako bi mogao da utvrdi realno obim ili količine za dati predmet javne nabavke, a u okviru sredstava koja u budžetu ima na raspolaganju.

S poštovanjem,

Dostavljeno:

- Naslovu,
- a/a.


V.d. DIREKTORA

Denan Salčin



# PRIVREDNA BANKA SARAJEVO

PRIVREDNA BANKA SARAJEVO D.D.  
OBALA KULINA BANA 18  
71 000 SARAJEVO



Ponuda br. 03-06-1-344/18  
Sarajevo, 18.01.2018. godine

JP „Autoceste FBiH“ d.o.o. Mostar  
Ul. Braće Fejića bb  
88000 Mostar

Predmet: Obavijest o odustanku od ponuda

Poštovani,

Ovim putem Vas želimo obavijestiti da odustajemo od naših ponuda koje su dostavljene prema Vama 17.01.2018., odnosno ponude za LOT 6, LOT 7, LOT 8 i LOT 9, vezane za predmet nabavke: Kreditno zaduženje kod komercijalnih banaka u iznosu od KM 30.000.000,00.

Od ponuda odustajemo jer su se pojavili tehnički razlozi zbog kojih ne možemo postupiti po ponudama.

S poštovanjem,

v.d. Direktor  
Direkcija za poslovanje sa  
pravnim licima  
Selma Džubur



Izvršni direktor  
Edin Kreštalica